



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad  
Annum 1746

**Luxemburgi, 1752**

XLV. Dispensationem Matrimonialium causas veraciter exponendas, & ab  
Executoribus omnino verificandas esse statuitur. 25. Februarii.

---

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

1742.  
Facultates  
Cardinalis  
Decani, nec  
non Praefecti  
Palatii Apo-  
stolici praeservantur.

§. 26. Per praesentes autem non intendimus, facultatibus Venerabilis Fratris Nostri Sanctae Romanae Ecclesiae Cardinalium Collegii Decani nunc & pro tempore existentis, ratione Ostien., & Veliterni. Ecclesiarum, quibus nunc & pro tempore praesente dignoscitur, tum etiam facultatibus dilecti filii nunc & pro tempore etiam existentibus Palatii Nostri Praefecti, ratione Praefecturae Palatii praedicti, ad formam literarum Benedicti XIII. Praedecessoris Nostri sub Annulo Piscatoris in forma Brevis sub datum diei xxiv. mensis Septembris anni Domini MDCCXXVIII. desuper expeditarum, eis, & eorum cuilibet competentibus, in aliquo praedjudicare.

§. 27. Nulli ergo omnino hominum liceat hanc paginam Nostri decreti, constitutionis, declarationis, revocationis, annulationis, & voluntatis infringere, vel ei ausu temerario contraire; si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud Sanctam Mariam Majorem quintodecimo Kalendas Martii anno Incarnationis Dominicae millesimo septingentesimo quadragesimo secundo, Pontificatus Nostri Anno Secundo.

P. Gard. Pro-Datarius.

D. Cardinalis Passioneus.

VISA DE CURIA.

N. Antonellus.

J. B. Eugenius.

Registrata in Secretaria Brevium.

Publicat. die 27. ejusdem mensis, & anni.

non minus veritati adversatur, quam executionis ordinem, ac modum bene, ac prudenter constitutum subvertit; cum expressio causarum, earumque verificatio; ad substantiam, & validitatem dispensationis pertineat, illisque deficientibus, gratia nulla, ac irrita sit, nullamque executionem mereatur.

§. 2. Id autem, ut plurimum evenit in dispensationibus, in quibus apponi solet clausula: *Et Oratoribus vita periculum immineret*: quae cum saepe in dispensationibus in primo, & secundo, vel in secundo gradu, & in nonnullis aliis canonicis impedimentis, sine ulla ratione, causa, & veritate, expressa reperitur; Ordinarii Locorum, qui cautius, & accuratius se gerunt, nisi vita periculum immineat, dispensationem exequi recusant; alii vero, fortasse falso rumore induci, quod hujusmodi clausula sit mera formalitas, indulgentius quam necesse est procedentes, periculo vita neque argumentis probabilibus verificato, eoque Oratoribus saltem verisimiliter imminere comperto, gratiam Dispensationis exequantur.

§. 3. S. M. Praedecessor Noster Pius PP. V. in sua Constitutione per viam Motus proprii expedita, & publicata sub die v. Decembris anno MDLXVI., cujus initium est: *Sicut accepimus*: decrevit, omnes, & singulos Procuratores, tam Officii Sacrae Penitentiarum, seu Contradictarum, quam alios quoscumque Sollicitatores, & Scriptores, qui veritatem facti, a narratione, quam ab ipsis Partibus habuerunt, quoad substantialia, & qualitates necessario exprimendas, diversam faciunt, seu quocummodo intervertunt, aut immutant, aut depravant, & per subreptionem, & obreptionem gratias à Romanis Pontificibus extorquent: poenam falsi incurrere, & ea puniri omnino debere.

§. 4. Hujusmodi autem constitutio quanquam videatur pertinere dumtaxat ad Procuratores, Sollicitatores, & Scriptores Officii Sacrae Penitentiarum, ubi per id temporis matrimoniales Dispensationes etiam in foro externo concedi solebant, nihilominus pro Pastoralis Nostra, & Paternae cura ex Alto Nobis commissa, hortamur, monemus, ac praecipimus omnibus, & singulis negotiorum Gestoribus, Procuratoribus, & Expeditoribus Literarum Apostolicarum, etiam Datarum Nostrarum, ut cum supplices preces pro aliqua Matrimoniali Dispensatione porrecturi sunt, id primum ante omnia agant, ut plenam atque exactam facti notitiam assequerent, suscitantes ab ipsis Oratoribus, an haec, & illae causae adsint, ex quibus sciunt dispensationem concedi solere in hoc, vel illo gradu; deinde in supplici libello facti speciem nitidè, ac sincerè exponant; caveantque diligenter, ne illam aliquatenus in rebus substantialibus alterent, immutent, invertant, corrumpant, sed strictè adhaereant iis, quae ab Oratoribus sibi exposita fuerunt; & multo magis abstineant, ne quid falsi, aut ficti proprio ingenio inventum, vel excogitatum, ad gratiam dispensationis facilius obtinendam, in precibus obrudant; demum, praesens oculis habentes, se operam suam in Ecclesiasticis negotiis in hac Alma Urbe exhibere, ubi Cathedra veritatis est, ipsam solam ament, & sectentur veritatem, non lucrum, aut gratiam, & favorem supplicantium; diligenterque videant, ne mendacii, aut erroris merito argui, cum animae suae detrimento, possint, falso, & perperam asserentes, causas, earumque verificationes, ex provida Nostrorum Praedecessorum dispositione, in hujusmodi gratiis, ad Ecclesiasticae disciplinae vigorem, & Canonicarum legum, & Apostolicarum Constitutionum voluntatem servandam, apponi, & respectivè demandari solitas, vanas, & superfluas esse, &, tanquam inanes

Ubi preces obreptionis, gratia nulla est.

Periculum vitae specialiter verificandum.

Decretum Sancti Pii V. contra Officiales falsa exprimentes.

Admonitio ad omnes negotiorum Gestores &c.

LVI

Sanctio Constitutionis.

Dat. die 15. Febr. 1742.

XLV.

Dispensationum Matrimonialium causas veraciter exponendas, & ab Executoribus omnino verificandas esse statuitur.

## BENEDICTUS EPISCOPUS,

*Servus Servorum Dei. Ad perpetuam rei memoriam.*

Dispensationes non nisi iustis ex causis concedi debent.

AD Apostolicae servitutis Nostrae ministerium pertinet sedula invigilare cura, ut dispensationes super gradibus affinitatis, seu consanguinitatis, intra quos Matrimonia contrahi prohibentur, vel super aliis à Sacris Canonibus statutis impedimentis, nisi ex debitis causis non concedantur, & omnia inde amoveantur, unde nota aliqua ab improbis aspergi possit nomini, ac decori Romanae Ecclesiae, cui, licet immeritò, Divina benignitate praesidemus.

§. 1. Sanè quidem ad Dispensationes obtinendas, ab iis, qui eas postulant, in supplici libello causa pro illis consequendis exprimi solent; quae si ejusmodi fuerint, ut juxta canonicas Sanctiones, & prudens Ecclesiasticae Provisionis arbitrium, locus ad dispensandum esse videatur, dispensatio concedi solet, ejusque executio Ordinario, ut plurimum committi; cui onus incumbit diligenter inquirere, an causa exposita veritate nitatur, ut, veris illis existentibus, gratia executioni demandetur, secus verò, si causa nullatenus veritati consentanea sint. Si autem contingat, ob causas minime veras existentes, ut dispensatio executioni non tradatur; qui eam impetrarunt, apud negotiorum Gestores, seu Literarum Apostolicarum Expeditores conquiruntur; à quibus nonnunquam responderi solet, executionem perperam, & injurià denegatam fuisse, quia expressio causarum, earumque verificatio, in dispensationibus non est aliquod substantiale, sed formalitas quaedam, & Forensis stili consuetudo: quod

Earum expediendarum ratio.

Opinio quorundam circa causarum exprimentarum veritatem, reprobat.

Ad quos extenditur pena falsi, si in exponendis dispensationum Causis deliquerint.

Curia formalitates, parvi aut nihili esse faciendas.

§. 5. Præterea hujusmodi graves abusus, quibus honor & decus hujus Almæ Urbis deonestatur, & Sedis Apostolicæ splendori ac dignitati officitur, penitus abolere cupientes: motu proprio, ex certa scientia, ac de Apostolicæ potestatis plenitudine præfatam Constitutionem s. m. Pii V. Prædecessoris Nostri extendimus, dilatamus, ac producimus ad omnes prædictos negotiorum Gestores, Procuratores, & Expeditores literarum Apostolicarum; cujuscumque status, gradus, ordinis, & conditionis, & quocumque iudulo, privilegio, & dignitate munitos; & quatenus opus sit, eam de novo ferimus, statuimus, & innovamus; volentes, ac decernentes, ut in omnibus superius expressis casibus, pena falsi contra Delinquentes locum habeat; sine tamen præjudicio obligationis refundendi expensas Oratoribus, qui, ob illorum culpam, ejusmodi dispensationes, quæ executioni demandari nequeunt, obrinnerunt.

Executori- bus injungitur verificatio causarum in Litt. expressis.

§. 6. Denique omnes, & singulos Venerabiles Fratres, Archiepiscopos, Episcopos, & Locorum Ordinarios, ceterosque Executores Literarum Apostolicarum, quibus hujusmodi Dispensationum exequutio committi solet, enixe rogamus, & obsecramus, ut sedulo, ac diligenter attendant; priusquam Dispensationis gratiam exequantur, an causa in Apostolicis literis expressa, & quarum verificatio eorum curæ, & vigilantia à Sede Apostolica commissa est, veræ ne, an fecus existant, an potius Sedi Apostolicæ falsum expostum, & veritas reticita fuerit; qua super re eorum conscientiam oneramus.

Litteræ Dispensationum in quibusdam distinctis concipi jubentur.

§. 7. Et quoniam in iisdem Apostolicis literis super Dispensationibus in gradibus prohibitis, aliisque præfatis impedimentis, nonnulla observata sunt, quæ negotiorum Executoribus quandoque exhibere, & scrupulos eorum animis ingerere solent, Apostolicæ Nostre sollicitudinis erit, ea dilucidius, & apertius in iisdem dispensationum literis Apostolicis exponere, ac declarare, ut omni dubitatione sublata, & causis coram Executore hujusmodi probationum genere probatis, quo de illarum veritate moraliter certus reddatur, Apostolicæ literæ Matrimonialium Dispensationum sine ulla hæsitacione ad debitam executionem deduci possint.

Delinquentium puni- tio Dataris de- mandatur.

§. 8. Mandamus quoque, & injungimus dilecto Filio nostro Pompejo Tituli S. Eusebii S. R. E. Presbytero Cardinali Aldrovando nuncupato Prodatario Nostro, ejusque Successoribus Datarie Apostolicæ Prodatoriis, seu Dataris pro tempore existentibus, ut in præmissis reos, & culpabiles repertos, pena falsi, ut præfertur, puniant, cum potestate citandi, etiam per edictum, confiso summarie de non turo accessu, aliaque dicendi, & faciendi in præmissis necessaria, seu quomodolibet opportuna. Non obstantibus Constitutionibus, & Ordinationibus Apostolicis; statutis, & consuetudinibus, & quibusvis indultis, & privilegiis, quibuscumque personis etiam speciali mentione dignis, datis, & concessis, ceterisque contrariis quibuscumque.

Non obstantibus quibuscumque.

Sanctio.

§. 9. Nulli ergo omnino hominum liceat, hanc paginam Nostri decreti, constitutionis, monitionis, mandati, ac voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 25. Febr. 1742.

Datum Romæ apud Sanctam Mariam Majorem, quinto Kal. Martias, Anno Incarnationis Dominicæ millesimo septingentesimo qua-

dragesimo secundo, Pontificatus Nostri Anno II. P. Card. Pro-Dataris. D. Card. Passioneus. VISA DE CURIA. N. Antonellus. Loco \* Plumbi. J. B. Eugenius. Registrata in Secretaria Brevium. Publicat. die 10. Martii 1742.

Pro Elevatione Corporis Ven. Servi Dei Camilli de Lellis.

XLVI.

Dilecto Filio, Magistro Ludovico Valenti in utraque Signatura nostra Referendario, ac Fidei Promotori.

BENEDICTUS PAPA XIV.

Dilecte Fili, salutem, & Apostolicam Benedictionem.

DE Congregationis Venerabilium Fratrum Nostrorum S. R. E. Cardinalium Sacris Ritibus præpositæ consilio, & assensu, ut Servus Dei Camillus de Lellis Fundator Clericorum Regularium Congregationis Ministrantium Infirmis imposterum Beati nomine nuncupetur, ejusque Corpus, & Reliquiæ venerationi Fidelium (non tamen in Processionibus circumferendæ) exponantur, & alias, prout in aliis nostris in simili forma Brevis Literis desuper expediendis uberius continebitur, quamprimum Auctoritate Apostolica indulgere intendentes; ac cupientes, ut ejusdem Servi Dei Corpus ex tumulo in Ecclesia sub invocatione Sanctæ Mariæ Magdalene de Urbe ejusdem Congregationis Ministrantium Infirmis sito, in quo conditum reperitur, elevatum, in decentiorem nobilioremque locum transferatur, & collocetur, ad quem accedentes Christiani fideles venerentur; necnon ut ea omnia, quæ in hujusmodi elevationibus servari solent, exacte serventur: Tibi, qui Promotoris Fidei munus, quod Nos, dum in minoribus essemus, præstitimus, tanta cum sapientia, integritate, pietate, zelo, ac sedulitate obire pergis, per præfatos committimus, & mandamus, ut Te ipsum ad locum, in quo positum est ejusdem Servi Dei Corpus, conteras, & clavis Januis, & quibuscumque aliis (præter publicum Notarium acta omnia per Te conficienda rogaturum; necnon Dilectos Filios modernos Præpositum Generalem, ac Assistentes, & Possulatores Causæ dicti Servi Dei in eadem Congregatione Sacrorum Rituum, atque eos Ministros, seu Foffores, quos ad hujusmodi Ministerium & opus necessarios esse duxeris tantum, nec omnino alios) sub excommunicationis late sententiæ pena ipso facto absque aliâ declaratione incurrenda, a qua nemo nisi a Nobis, seu Romano Pontifice pro tempore existente absolutionis beneficium, præterquam in mortis articulo constitutus, obtinere queat, & ipso facto ab omnibus cujuscumque status, dignitatis, conditionis, auctoritatis, præminentia, etiam S. R. E. prædictæ Cardinalibus statim incurrenda, aliisque ad nostrum arbitrium imponendis pœnis, & censuris, penitus exclusis, tumulum, in quo Corpus dicti Servi Dei jacet, per antedictos Ministros effodi, arcamque, seu loculum, in quo conditur, referari facias; necnon omnia, & singula accuratissime inspicias, quæ ad authenticitatem ejusdem Corporis firmandam apposita fuisse memoriæ traditum est, ac præsertim signa, aliaque hujusmodi recognoscas, ceteraque scruteris, quæ, pro tua hac in re singulari peritia, duxeris notanda. Præterea Tibi committimus, & mandamus, ut singulis antedictis, quos solos tecum dumtaxat, ut præmittitur, interesse statuimus, sub suspensionis, interdicti,

Beatificatio Servi Dei jam decreta.

Ideo ipsius Corpus in nobiliorem locum elevari jubetur.

Præscribitur recognoscio- nis forma.

Reliquiarum detractio prohibetur.